

婁縣續志卷二十

流寓

賢者有四方之志而必問其里居此真膠柱鼓瑟之論矣得自在趣爲汗漫游何必思還本土哉道義淹留山川俯仰或有岑嘉州詩爲放翁讀也志流寓杜濬字于皇黃岡人以詩文名生平足迹徧天下甲申後寓居松江之湛然庵志行高潔埽葉吟詩宴如也一僕隨數十年歿瘞庵左濬爲文記之

趙潛字雙白原名炎字二火漳浦人著冷鷗堂集並選國朝諸名家詩名萼閣詩藏康熙間至松餽一塵於笏溪之上吳祭酒偉業嘗訪之僻巷衡門二簋用

婁縣續志

卷二十

流寓

享結歡而去人兩賢之嘗爲僧開堂設法後還初服陸圻字麗京杭州人嘗偕蔣瑒來松寓王澐家甚久後以莊廷鉞明史一案牽累得雪遂棄家出游或傳其嗣法嶺南其子冠周徧求之不得云

張琳字佩嘉杭州人寓松康熙中構居於西麓村日芥舟與馮方山倡和爲西村集又與朱初晴徐景于輩聯詩會名于野集

胡廷對字廣雲歙縣人係出方塘由貢生授婁縣教諭署縣事升常州府教授樂郡中風土家焉宅心制行純厚端慤訓子弟尤嚴一門之內肅若朝典子八人俱以才學稱於時後以少子寶瓊官河南巡撫贈

如其官

汪大經字西村秀水縣學生工詩文善書年二十一為婁縣朱氏館甥遂家焉乾隆三十年

南巡召試二等浙江巡撫福崧聘修西湖志為編修杭世駿侍郎翁方綱推重臨沒自作挽聯云閱世六十九年以不才老存詩五百餘首與來者看著有借秋山居詩鈔文鈔吹竹詞各若干卷

汪啟淑字慎儀號秀峯其先為歙縣人因業鹺於松居松之西關外金沙灘遂家焉啟淑好古家有開萬樓藏書數千種喜篆籀搜羅歷代圖章萬餘紐編成集古印存飛鴻堂印譜漢銅印叢退齋印類等二十

婁縣續志

卷二十一

流寓

二

七種

高宗純皇帝巡江南進呈詩賦後以貲謁選官水部員外郎陞兵部郎中四庫館開

詔直省搜訪遺書啟淑獻六百餘種

欽賜古今圖書集成大小金川戰圖乞假歸著有水曹清暇錄說文繫傳並采海內閨秀詩刊成擷芳集傳世訥庵詩鈔若干卷未梓年七十二卒

陳毓桐字兩橋蘭溪人道光壬辰進士吏部主事工山水花卉贅於松郡丁氏因家焉好游常往來淮上通籍未半載而卒

嚴坤字粟夫歸安人居於松工篆刻詩筆倔強著有

澁勃叢殘爲人冲和樸實

張澹字春水吳江人工書善畫精篆刻輯有玉燕巢
印萃

馬昂字若軒世爲上海顯橋人居邑之西郭少貧甚
至爲人補綴舊履以治生有米肆主人見昂馴謹招
之曰子願業吾業乎曰願乃易業焉主人旋以深夜
聞誦讀聲詰之曰吾於敝麓中得論語第三卷俟主
人睡而讀之故也主人喜謂昂自今以往日脯則任
爾讀昂乃發憤見士人過肆者則執禮問學里中耆
宿聞之叩昂所學則穎悟過人教以詩古文皆能通
曉昂曰學需有濟於世乃鑽研靈素博考方書會郡

人任保陽者招置幕中昂乃間爲人治療應手愈北
人以前陳後馬稱之陳乃閩中陳念祖作宰保陽曾
著醫學十餘種行世也昂歸里後愛古錢爲著錢譜
見有佳山水輒圖之晚年學益進郡中葉氏藏名人
畫而王翬畫尤夥昂一臨撫便得其神髓論者謂松
人畫師王翬者昂迺首屈一指咸豐初年卒

黃金臺字鶴樓平湖人歲貢生客授邑中陳氏家工
詩及駢體文著有木雞書屋集

高萬培字蘭翹元和人諸生居谷陽門外工詩時郡
中黃仁等舉詩會萬培與焉著蘭翹詩鈔

盧孝則字漁山宜波人道光乙酉舉人居邑之濶街

以謹厚稱工詩屢上公車不第卒於京

賈敦良字芝房平湖人諸生少工詩與兄諸生洪壬午舉人漢稱鷓湖三傑同治初年寓松江最久爲人謹厚古樸歿後無子同時有凌志珪者字桐叔上元人諸生僑寓松江亦以能詩稱同治三年卒年五十四

改琦字七薌其先西域人世以武職顯僑居松江幼通敏年甫踰冠受知於滄州李味莊先生旣而聞譽日起賢士大夫嫻雅而好古者爭相定交七薌畫法龍眠松雪六如諸家而運思迥別世以新羅山人比之詩近溫李不多作獨善倚聲游屐所至花柳皆爲

婁縣續志

卷二十

流寓

四

增色

趙煦字笛樓揚州人能詩工篆隸兼善刻印客松江二十年常寓郡西蔣涇橋南施家園多與邑人士遊嘗識華亭馬昂於少時昂卒以才行著錢塘趙某死煦念宗誼出資殯之某有妹代爲擇嫁其長厚類如此後旅况益艱終身不娶卒年六十三質衣裘爲殮葬於邑之西郊福庵側有維揚布衣趙笛樓碑著瓢隱居唵草愛蓮說印譜未梓

婁縣續志卷二十

方外

宋祁作李蔚傳贊有釋氏本於莊老一語魏書釋老志云頗類佛經疑二氏同出一源頃葉梵經丹書紫字果誰爲傳習哉然前志謂服膺儒術者不必以異端斥也志方外

常瑩號珂雪超果寺僧工山水與趙左齊名嘗爲董文敏倩筆朱彝尊所謂隱君趙左僧珂雪每替容臺應接忙是也順治初卓錫西郊之息庵陳忠裕公喜得禪友往還無間後陳公殉節師始示寂云

本月號旅庵宓波人宏覺禪師法嗣順治十六年入婁縣續志

卷二十 方外

都

世祖章皇帝特

賜樂天知命四字及一池荷葉衣無盡數畝松花食有餘天上無雙月人間只一僧兩聯奉

旨入善果監院開法講席康熙元年還山駐錫郡之崑山泗州塔院八年建寶奎閣敬奉

宸翰又擬種松於崑山之麓以爲十年之後可與蘇臺之靈巖吳興之白雀並峙乃所願未遂示疾而化董園石謂其賦詩作字皆無蔬筍氣也

本沖號息庵鄞縣楊氏子從天童宏覺禪師薙度順治十六年應

召入都仍留天童代理本院事後住楓涇圓明禪院康熙四十四年冲年八十有三

聖駕巡幸松江

特召奏對

賜圓明庵爲性覺寺後

賜淨域長齡扁及片石孤雲窺色相清池浩月照禪心
水月比心清得真如諦松筠經歲久現長住身兩聯
丙戌秋沐浴趺坐而化世壽八十有四

元璟號借山平湖人常寓超果寺西來堂著有完玉堂集康熙四十二年以詩受知於

聖祖仁皇帝初受業於華亭翁蟄園其詩派本出雲間
婁縣續志卷二十 方外

後與松江諸名士倡和其集亦郡人所刻蓋亦佛氏之所謂因緣也

撞鍾和尚佚其名毘陵人住超果寺雨花殿能詩沒後詩稿失去僅存斷句云不雨秋偏爽凌霜菊自佳
江流神禹迹海見魯連心至空餘烟水千秋想賸有
荒寒五夜心其過鈎臺句也

明穹號蒼庵俗姓吳華亭張堰人授書如宿讀祝髮旃檀林堅持戒行王文恭延主超果寺康熙乙酉丁亥

聖駕南巡幸松兩次迎

鑾賦詩

上呼爲老實和尚

賜超果講寺額台宗闡教扁年七十餘說偈而化

八和尚涇縣人出家郡之西禪寺虔禮華嚴徹夜不眠飢食柏葉周比部吉士訪之叩其所養答曰精足不思慾氣足不思食神足不思眠其妻亦終身不嫁焚修郡西蘭若庵

大銓號棹旋居龍門寺聽雪廬初爲打飯僧晚忽工畫能詩殆所謂浮屠人多幻者其自題畫蘭云樵夫無路人藹藹空山春蕙蘭自相語毋以香媚人

通容號費隱天童十二弟子之一來游九峯閉關泗洲塔院著五宗嚴統又嘗卓錫優曇菴慈門寺緇素重之

婁縣續志

卷二十 方外

三

楚琛號青璧華亭人從珂雪師薙度隨天童密公受其戒歸超果寺西來堂閉門養道善畫工詩

達真號簡庵姓楊氏內閣學士瑄之叔受度於超果寺居西來堂後居廣富林之福城庵戒律精嚴兼工書畫戶部尙書王鴻緒以其畫扇進呈

聖祖仁皇帝稱善於是四方爭購之雍正六年世壽七十有四忽諭徒衆曰明午吾當逝矣衆問師何往答曰吾家自有通霄路不向他人行處行至期檀信雲集沐浴更衣向衆作禮而化

淡成住超果寺之西來堂簡庵禪師法裔善寫花鳥

爾幾亦西來堂僧畫筆酷似淡成

曇輝西林寺僧善山水能鼓琴

珂輪西禪寺僧能畫或贈以詩云寒畦餘凍菜野渚生荒烟雪塘何限景應倩惠崇傳其善寫荒涼之狀洵畫中有禪理也

癡和尚江西人居郡之西禪寺嗜酒噉牛能度曲一日向天凝視若得狂疾嬉笑怒罵皆無狀人問災祥者答以隱語事後悉驗莊中丞有恭愷與之往來云實如號寄舟初主西湖靈隱寺後居邗上小金山書學顏平原雄峭奇拔嘗作擘窠大書楹帖十四字懸潮音閣上爲張文敏所賞其寫蘭竹有生趣詩尤磊

落晚年賦江村乞食七律八章黃中允之雋謂其深有感發以七言長歌和之弟子青雷傳其畫竹法棹旋得其畫蘭法皆能詩

普明號寂照楓涇闕氏子出家妙常院究心三乘人呼爲闕菩薩後居杭州之西山每靜坐蛇鼠鳥雀嬉游於前客至輒納諸懷覆以衣晚年仍歸妙常語弟子曰待桂子香我當西游至期作偈而化茶毘時香聞數里獨舌不灰人咸異之

梵生楓涇鎮梵香林僧專心淨業者五十餘載預知示寂期書偈端坐而化其徒黃山人本姓程善畫竹尤工詩著有梵香林詩草六卷

贊菴楓涇鎮海慧院僧苦志焚修重建精進閣爲誦
經所能詩兼工書法

覺圓號寄亭浙江錢塘人嘉慶間卓錫松江講法於
西郊直指菴能詩與諸名流倡和著尊古堂詩存圓
寂葬菴側

邑人唐模慧天塔銘

師棲茸城法雲徧橫師以詩名優曇花生直指菴依
谷陽址師但化兮瘞其淚珂雪鶴山師繼美我銘師
幽卽以此

通慧初爲皮工中歲出家居青松石元壇廟能鍼灸
示寂後葬於示應菴側道光二十三年有鄉人採藥

婁縣續志

卷二十一

方外

五

穴地見枯僧端坐龕中面如生叩之卽通慧也因昇
於示應菴中傳以金呼爲活佛羅拜者甚衆至今香
火不衰

皆空姚江涇人本籍安徽與其父及弟均出家嘗住
持白龍潭天后宮後又住持湛然庵通內典善楷書
足迹罕與人接常誦經一室中嚴持戒律蔬食終身
年五十餘圓寂時同治初年也

范和尚失其名幼聘妻某氏及長不願娶女家強之
勉從合卺月餘逃出披剃爲僧貧甚身無衣口無食
日行乞夜則臥超果寺殿下乾隆丙子夏徧向識者
告曰我午後去矣向池中洗浴畢坐土阜上奄然而

化時酷熱經一晝夜體完好如故衆共醵錢立龕云
楊鶴亭號汀石本名家子生時有白鶴翔集因以爲
名明季出家郡之東嶽廟東房日誦道德黃庭參同
契諸書得異術於跛道人試無不驗凡病者遠近爭
赴活人甚多人皆呼爲楊仙翁康熙甲寅沐浴更衣
端坐而逝

沈清正號一誠爲道士後號蟾陽子清正襁褓而孤
母倪誓死守節前母兄無行利母再醮誘往普陀進
香將鬻於海舶母覺投海死其兄遁不返清正育於
母族稍長諗其事刺血寫疏禱於天冀得母尸嘗宿
一古廟夢神告母在金塘島遂浮海渡蛟門泊一島

問其名果金塘也訪居人有告以某年曾瘞一投水
婦示其處清正露宿其旁夢母慘容泣下呼清正小
名清正哭而醒憶念音容與得之母族者肖乃負骨
歸葬父墓清正尋母尸徧歷諸郡沿海處遭颶風舟
幾覆三年水陸數千里終以痛母故出家著有鷗亭

詩稿

漱芳齋詩話張文敏撰蟾陽子傳未詳其出家後蹤
迹近購得殘稿二冊康熙丙申遊楚丁酉游豫戊戌
入都有宿

御書館及出古北口至熱河

召對等作惜未詳其何緣遭際也丁未在松
至杭嘉庚戌年六十游天台其梗概如此

王雋望號聲萬受正一符籙學禹步飛行考召之術
禱雨治魅皆驗重建谷水道院院創於宋寶慶丙戌

重建爲乾隆丙戌詳沈大成碑記其沒也大成爲誌其墓焉

大曇和尚泗涇人俗姓陸本儒家子幼年出家於鎮之普陀禪院戒行精嚴曉吟咏游天竺雲棲諸寺歸主郡城普照寺時軍門補勤喜禪說時相過從後仍圓寂於普陀禪院

跛道人姓謝佚其名住郡之東嶽廟善咒水術凡患瘡疥者往叩之取池水咒而敷之立愈化後塑其像於泉側俗呼爲水仙

王恆號健行居岱廟西房工書能畫山水并善寫真

婁縣續志

卷二十一

方外

七

下云

程耀文泗涇人本儒家子習五雷訣其法頗驗膺太守命禱雨立應鄉人有患崇行火發其廬起滅無定延程治之程至其家未禹步火已自袍袖間出程賺之曰汝能焚北斗像乎言已所懸北斗像已被焚程乃焚其章於鑪中忽空中聞擊劍聲崇卽絕其他靈異頗夥

徐漢亮號超圃居岱廟西房乾隆己酉旱禱雨卽應軍門及守令均贈額獎之

徐漢梁號清壺亦住嶽廟西房嘉慶十九年旱禱雨立應太守宋公如林贈以楹聯云道闡先天運甘雨

和風於在掌澤周大地慶南阡北陌之有年後有薛氏女患一蛇爲祟女病甚延漢梁治甫禹步病者夢白鬚人解項間兩帶而去病遂已

江通恩號問渠居谷水道院治邪無不效壽近八十沈心耕號古田居岱廟東房小築數弓偕雅流道侶鼓琴讀畫其中頗有逸趣其所畫蘭竹雜卉俱楚楚可觀

陳士英號玉洲與古田同居岱廟精於寫真聲價在寄峯玉振間兼工花卉

董經鰲居郡西痧神廟得祕術祈禱輒應嘉慶甲戌大旱軍門馬公延經鰲禱雨雨卽下其在廟也建暉

吉堂景春道院聽雪山房人以王雋望相况

陳玉善居岱廟東房道光辛卯旱禱雨雨下太守沈公贈以召和通妙額後癸卯祈雨癸巳祈晴亦皆驗趙小浦居邑之東嶽廟善驅邪患祟者治無不驗同治二年夏旱太守方傳書延之禱雨立應三年奉邑旱禱雨亦應精卜易求卜者時盈門焉

